

宋著長安志

宋聯奎署檢

新學
子集

PDG

長安志卷第十五

縣五

臨潼

鄠縣

臨潼

臨潼縣

唐次赤今次畿西至府五十里

本周驪戎國春秋時晉獻公伐驪

戎其後秦滅之爲驪邑漢書高祖七年

沅按史記本紀云十年

置新

豐縣

應劭曰太上皇思東歸於是高祖改築城寺街里以象豐徙豐民以實之故號新豐三輔舊事曰太上皇

不樂關中思慕鄉里高祖徙豐沛屠兒酤酒煮餅商人立

爲新豐西京雜記曰高祖既作新豐并移舊社街巷棟宇

物色如舊土男女老幼相携路首各知其室放犬羊鷄鴨

於通衢亦競識其家匠人胡寬所爲也移者皆喜其似而

憐之故競加賞贈月餘致累百金別本曰太上皇徙長安

居深宮淒愴不樂高祖竊因左右問故以平生所好皆屠

販少年酤酒賣餅鬪鷄蹴鞠以此爲歡今皆無此故不樂
高祖乃作新豐移諸故人實之太上皇乃悅故新豐多無
賴無衣冠子弟故也高祖少時常
祭枋榆之社及移新豐亦立焉
郡國縣道記曰今縣東

十二里故新豐縣西南四里新豐故城卽高帝爲太上皇

所立

沅案成帝紀鴻嘉元年以新豐戲鄉爲昌陵縣奉初陵諸書及此俱缺載

後漢靈帝末徙

安定郡陰盤縣寄治於此城今亦謂之陰盤城

沅案水經注云靈帝

建寧三年改爲都鄉封段

後魏太和九年徙陰盤縣於今

縣東三十二里冷水西戲水東司馬邨故城是

沅案地形志云陰槃

眞君七年併新豐太和十一年復此缺載

其新豐縣自陰盤寄治後又徙於故

城東三十里蓋在零水側周閔帝元年又徙於天寶廢新

豐縣東南七里隋大業六年又徙於天寶中廢縣所治垂

拱二年以縣東南三十里有山湧出改為慶山縣天授二

年於縣界零口置鴻州析慶山渭南兩縣置鴻門縣

沅案太平

寰宇記云取兩縣十二鄉于郭下置鴻門縣

以慶山高陵櫟陽渭南五縣隸焉

久視元年廢州並鴻門縣神龍元年復改慶山為新豐縣

開元後元宗每歲十月幸溫湯歲盡而歸以縣去湯泉稍

遠天寶四載

沅按唐書志云二年是新唐志云三年此云四載非

析新豐萬年二縣

於溫泉宮置會昌縣於今治以山名名之又外為赤縣

六載

發馮翊華陰丁夫築會昌羅城於溫湯所置百司及公卿邸第

七載省新豐改會昌縣及

山曰昭應

鄭嵎津陽門詩注曰時有詔改新豐為會昌縣移自陰盤故城置于山下至明年十月老君見

于朝元閣南而於其處立降聖觀改新豐為昭應縣廨宇始成令大將軍高力士率禁樂以落之

皇朝大

中祥符八年避玉清昭應宮名改縣爲臨潼

縣境

東西五十五里
南北四十里

三鄉管一百一十六邨

唐十八鄉

旌

儒鄉在縣西南管邨三十九 會德鄉在縣東南一十里

管邨三十六 潤渭鄉在縣東南四十五里管邨四十一

零口鎮在縣東四十五里 昌驛亭在縣西南五十步

東至華州渭南縣驛八十里西至本府秦州驛五十里南

至藍田縣七十里北至櫟陽縣三十五里 戲水驛兩京

道里記曰大業六年置在戲水店 驪山在縣東南二里

驪戎來居此山故以名案土地記曰卽藍田山也溫湯出

山下其陽多寶玉其陰多黃金三秦記始皇作閣道至驪

山八十里人行橋上車行橋下今石柱猶存山上立祠名曰靈臺述征記曰長安東則驪山西則白鹿原北望雲陽悉見山阜之形而恒若雲霧之中天寶元年更驪山曰會

昌山七載二改曰昭應山山神曰元德公

水經曰浮肺山蓋驪山之麓而

有異名一作肺浮沅案水經注云連麓異名太平寰宇記云別麓而有異名

慶山在縣東南

三十五里唐垂拱二年湧出

譚賓錄曰新豐縣因風雷有慶山湧出高二百尺荊州人

俞文俊詣闕上書曰臣聞天氣不和而寒暑併人氣不和而沆贅生地氣不和而埴旱出今陛下以女主處陽位反易剛柔故地氣隔塞而山變為災陛下謂之慶山臣以為非慶也疏奏天后大怒放之于嶺外兩京道里記曰慶山湧出初時六七尺漸至百餘尺居守以聞百寮畢賀給事中魏叔璘曰此平地生骨堆何足可慶或以上聞坐賜死識者謂叔璘翻語是被戮故禍不及家止身而已

鴻門坂在縣東十七里漢舊

大道北下阪口名也關中記曰鴻門在始皇陵北十里新

豐縣漢書沛公會項羽處又文帝登霸陵指新豐路示慎

夫人曰此是北走邯鄲道也又亭尉呵李廣處

續漢書郡國志新豐

縣東有

鴻門亭

坑儒谷在縣西南五里

沅案太平寰宇記云在縣東南

秦始皇

坑儒於驪山下故名坑儒鄉漢書注師古曰今新豐縣溫

湯之處號愍儒鄉溫湯西南二里有馬谷谷之西岸有阮

古老相傳以爲秦阮儒處也衛宏詔定古文官書序云秦

既焚書患苦天下不從所改更法而諸生到者拜爲郎前

後七百人乃密令冬種瓜於驪山阮谷中溫處瓜實成詔

博士諸生說之人人不同乃命就視之爲伏機諸生賢儒

皆至焉方相難不決因發機從上填之以土皆厭終乃無

聲此則閔儒之地其不謬矣唐天寶中改爲旌儒鄉立旌

儒廟

賈至作碑

磴千谷在縣西南七里 鳳皇原後漢延光

二年鳳皇集新豐卽此原也亦驪山之麓唐韋嗣立構別

廬於山驪鳳皇原 鸚鵡谷有重崖洞壑飛流瀑水中宗

臨辛改爲清虛原幽棲谷

唐書曰新豐鸚鵡谷水清代傳云此水清天下平開皇之初暫

清尋濁至是而復清

狼石在縣東十里秦始皇陵東南二里形似

龜初始皇之葬遠探此石將致之驪山至此不復動石崇

一丈八尺周十八步 渭水在縣北十里西自萬年縣界

來東入渭南縣界

冷水

一作零

在縣東三十五里來自渭

南縣界亦曰百丈水水經注曰冷水出肺浮山歷陰盤新

豐兩原之閒北流注于渭

沅案地形志陰盤有靈谷水即此零冷靈三字音同

戲

水在縣東二十七里漢書曰陳涉之將周章西入關至戲

秦將章邯距破之應劭曰戲宏農湖縣西界也孟康曰水

名也蘇林曰在新豐東南三十里師古曰戲在新豐東今

有戲水驛其水本出藍田北界橫嶺至此而北流入渭孟

蘇說是應說失之戲許宜反水經注曰冷水出浮肺山戲

水出驪山鴻谷

鴻一作馮沅案水經注作馮公谷即師古所云懸儒鄉之馬谷馬字誤耳

北又

歷戲亭東即周幽王死處

沅案此亦節損本文

兩京道里記曰戲水

周幽王以褒姒遊於此故以爲名水至濁北流入渭東西

有店南去昭應縣二十九里 陰盤城河水在縣東北十

四里出縣北楊邨社 魚池水在秦始皇陵東北五里周

四里水經注曰泉出驪山本導源北流始皇葬於山北水

過而曲行東注北轉初造陵取土其地汙深水積成池謂

之魚池 曾谷水在縣東三十里流入渭

沅案地形志作首谷水

嶽澄泉在縣西南五里

嶽從緣切雨而泉出也

鳴犢泉在縣西北

十里 石澗河在縣西二里 水碓河在縣西五里 王

橋河在縣東三十里流入渭 渴牛井在縣東北上七里

官道側井旁有還道縈繞及于水次 溫湯在縣南一百

五十步驪山之西北雍州圖曰溫湯在新豐縣界溫谷卽

溫泉也三秦記曰驪山湯舊說以三牲祭乃得入可以去

疾消病不爾

沅案水經注作不祭初學記無此句

卽爛人肉

沅案水經注所引云云不同此

與初學記同

俗云始皇與神女戲不以禮

沅案水經注初學記皆作游而忤其指

神女唾之則生瘡始皇怖謝神女爲出溫泉而洗除後人

因以爲驗

沅案此亦同初學記

漢武帝故事曰驪山湯初始皇砌石

起宇至漢武又加修飾焉張衡賦序曰余適驪山觀溫泉

浴神井嘉洪澤之普施十道志曰今案泉有三所其一處

卽皇堂石井周武帝天和四年大冢宰宇文護所造隋文

帝開皇三年又修屋宇列樹松柏千株餘貞觀十八年詔

左屯衛大將軍姜行本將作少匠閻立德營建宮殿御賜

名溫泉宮太宗因幸製碑咸亨二年名溫泉宮

唐年小錄曰開元十

年置溫泉宮實錄與元和郡縣圖志曰開元十一年初置溫泉宮

天寶六載改爲華清宮

驪山上下益治湯井爲池臺殿環列山谷明皇歲幸焉又

築會昌城

是歲發馮翊華陰等郡丁夫築會昌羅城

卽於湯所置百司及公卿

邸第焉華清宮北向

正北門外有左右朝堂門北相對有望仙橋北有左右講武殿

正門

曰津陽門

宮北門之內曰津陽門門外有宏文館以下見津陽門詩注及今所在遺迹

東面曰

開陽門

宮之東面正門也門外有宜春亭

西面曰望京門

宮之西面正門也門外近南有

御交道上嶺通望京樓

南面曰昭陽門

宮之南面正門也今謂之山門門外有登朝元閣之路本

唐之御輦便路也

津陽門之東曰瑤光樓

南有小湯

其南曰飛霜殿

寢殿

也白少傅以長生殿爲寢殿非也

御湯九龍殿

在飛霜殿之南

亦名蓮花湯

明皇雜錄

曰元宗幸華清宮新廣湯池制作宏麗安祿山於范陽以
白玉石為魚龍鳧鴈仍以石梁及石蓮花以獻雕鐫巧妙
殆非人功上大悅命陳於湯中仍以石梁橫亘湯上而蓮
花纔出水際上因幸華清宮至其所解衣將入而魚龍鳧
鴈皆若奮鱗舉翼狀欲飛動上甚恐遽命撒去而蓮花今
猶存又嘗於宮中置長湯數十間屋環回登以文石為銀
鏤漆船及白香木船致於其中至於機棹皆飾以珠玉又
於湯中壘瑟瑟及沉香為山以狀瀛洲方丈津陽門詩注
曰宮內除供奉兩湯外而內外更有湯十六所長湯每賜
諸嬪御其修廣與諸湯不侔登以文蟲密石中央有玉蓮
捧湯泉噴以成池又縫綴綿繡為鳧雁致於水中上時於
其間泛銀鏤小舟以嬉游焉次西曰太子湯又次西少陽
湯又次西尚食湯又次西宜春湯又次西
長湯十六所今唯太子少陽二湯存焉
有玉女殿北有虛閣閣下即
湯泉二玉石甕湯所出也
七聖殿殿在宮中自神堯至
睿宗昭成肅明皇后
皆立衣袞衣繞殿石榴皆太真所植南有功德院其
開瑤壇羽帳皆在焉順興影堂果老藥室亦在禁內

宜春

亭
門在開陽
重明閣
今四聖殿北臨高有重明閣倚欄北瞰
縣境如在諸掌閣下有方池中植蓮荷

池東鑿井每盛夏泉
極甘冷邑人汲之
四聖殿重明之南曰四聖
長生殿齋

也有事於朝元閣即齋沐此殿山城內多馴鹿有流澗號
飲鹿泉金沙洞玉藥峯皆元宗為名洞居殿之左玉藥峯

上有王母祠實錄天寶元年
新作長生殿集靈臺以祀神
集靈臺朝元閣天寶七載元

朝元閣即改名降聖閣案
上文立降聖觀疑非是
老君殿朝元閣之南玉石為鐘

樓在朝元閣之東
明珠殿長生殿之南近東也
笋殿殿側有魏溫泉堂碑其

號頗
觀風樓樓在宮外東北隅屬夾城而達于內前驅馳

黎碑
觀風樓道周視山川大歷中魚朝恩毀圻以修章敬

寺
鬪鷄殿在觀風樓之南
按歌臺在門鷄殿之南
毬場宜春亭之北門外曰

毬場其西
曰小毬場
連理木飲鹿槽丹霞並在朝元閣之南
羯鼓樓在朝元閣之東

近南繚
牆之外
祿山亂後天子罕復遊幸唐末遂皆圯廢晉天福
中改為靈泉觀賜道士居之
安幕塲兩京道里記曰相

傳漢高祖幸新豐安營幕於此 枌榆社漢書曰高祖禱

豐枌榆社張晏曰枌白榆社在新豐東北十五里 謝聚

關中記曰在始皇陵北十餘里 鴻門亭在縣東七里

曲郵亭張良追漢高祖處 步昌亭三輔黃圖曰成帝於

霸陵北步昌亭起昌陵卽成帝之廢陵也 麗戎故城在

縣東二十四里殷周時麗戎國城也兩京道里記曰城高

一丈五尺周回望 幽王城一名幽王壘在縣東南戲水

上城高八尺周二百八十步 兩京道里記在縣東北四十里 國語曰幽王

滅于戲蘇林曰戲邑名也在新豐縣東南三十里戲亭是

也史記曰褒姒不好笑幽王爲烽燧 沅案史記作燧 大鼓有寇

至舉烽火

沅案史記作舉燧火

諸侯悉至至而無寇褒似乃大笑幽

王欲說之

沅案史記無欲字

爲數舉烽火其後不信諸侯諸侯益

不至

沅案史記無上諸侯二字益下有亦字

犬戎共攻幽王

沅案此節史記文增共字

幽

王舉烽火徵兵兵莫至遂殺幽王驪山下潘岳西征賦曰

履犬戎之侵地疾幽王之詭惑舉僞烽以沮衆淫嬖褒而

縱慝軍敗戲水之上身死驪山之北赫赫宗周滅爲亡國

陰盤城在縣東北一十四里漢縣事見上兩京地里記

湯泉水陰盤故城東門外去昭應十五里故城漢高祖與

太上皇所置新豐邑漢靈帝改封段穎陰盤侯卽此是陰

盤城高一丈三尺東西南北各三千一百步往來大路必

由此城行人憧憧無所留礙近古帝王未嘗經度必迂迴
城西別開御路貞觀中乘輿將自東門入湯泉水岸深數
丈時水暴漲平岸又見物如豬當土門臨命有司致祭其
物起向北因失所在開元八年冬乘輿自南入行至半城
黑氣自城東北角起倏忽滿城從官皆相失上策馬踰城
赴官路下至渭川雲氣稍解侍臣分散尋求乘輿所在既
謁見悲喜迸涕上亦悵然自是還宮數日不出翰林學士
通事舍人王翰作荅客問上之詞曰龍躍湯泉雲漸迴龍
飛香殿氣還來龍潛龍見雲皆應天道常然何問哉 新
豐故城在縣東北十八里

沅案元和郡縣志
云在縣東十八里

昌陵故城